

Headline	Cerita penemuan makam al Bukhari		
MediaTitle	Harian Metro		
Date	23 Apr 2014	Color	Full Color
Section	Setempat	Circulation	407,786
Page No	23	Readership	3,351,000
Language	Malay	ArticleSize	321 cm ²
Journalist	N/A	AdValue	RM 11,855
Frequency	Daily	PR Value	RM 35,566



Cerita penemuan makam al-Bukhari

Kisah berkat desakan Sukarno

Kesyukuran dipanjatkan ke hadirat Allah kerana konvoi Kembara Bumi Suci 2014 (KBS2014) berpeluang menziarahi makam Imam al-Bukhari.

Makam yang terletak di Khartang, Samarkand adalah lokasi bersemadinya jasad pengarang kitab hadis sahih termasyhur, Sahih Bukhari atau nama sebenarnya Muhammad Ibn Ismail Ibn Ibrahim Ibn al-Mughirah Ibn Bardizbah al-Bukhari.

Kompleks berkenaan dibina atas tanah seluas lima hektar turut menempatkan Masjid Imam Bukhari yang juga madrasah

melatih imam dari seluruh negara ini.

Kisah penemuan dan pemuliharaan makam berkenaan amat menarik kerana berlaku atas desakan Presiden Sukarno sebaik saja dilantik sebagai ketua negara Indonesia.

Menurut seorang rakyat tempatan yang enggan dikenali, sebelum diangkat sebagai presiden, beliau bermimpi bertemu Rasulullah SAW yang mahunya mencari kubur Imam al-Bukhari.

"Apabila Presiden Kesatuan Soviet Krushev menjemput Sukarno melawat negara komunis itu tapi Sukarno meletakkan syarat mahu menziarahi makam pengumpul hadis sahih berkenaan.

"Soviet terpaksa mencari dan mengindahkan kawasan makam dan apabila Sukarno tiba di Samarkand, beliau dikatakan merangkak dari luar kawasan makam hingga ke lokasi jasad al-Bukhari disemadikan dan makam itu dipulihara hingga kini.

"Kerana itu rakyat Indonesia diberi keistimewaan hingga sekarang dibenarkan masuk ke bawah bangunan makam yang menempatkan jasad Imam," katanya.

Imam Bukhari dilahirkan di Bukhara pada tahun 194 Hijrah (810 Masehi).

Beliau dari keturunan Parsi dan selepas menuntut ilmu Islam di Makkah, al-Bukhari kembali ke Bukhara namun pemerintahan wilayah berkenaan tidak membenarkannya

menyebarkan ilmu di situ.

Semalam, konvoi kembara Kazakhstan melalui sempadan Uzbekistan di Duvud Ota.

Laporan harian kembara ini juga boleh diikuti di www.israqadventure.com dan laman Facebook, Kembara Bumi Suci 2014.

Mesej kesederhanaan Islam turut disebarkan sepanjang ekspedisi berlangsung.

Lembaga Tabung Haji adalah penaja utama kembara ini yang disokong oleh Yayasan Gerakan Kederhanaan Global (GMMF).

Headline	Cerita penemuan makam al Bukhari		
MediaTitle	Harian Metro		
Date	23 Apr 2014	Color	Full Color
Section	Setempat	Circulation	407,786
Page No	23	Readership	3,351,000
Language	Malay	ArticleSize	321 cm ²
Journalist	N/A	AdValue	RM 11,855
Frequency	Daily	PR Value	RM 35,566



KEMBARA Bumi Suci di Nulus.

FAKTA
Makam dibina
atas tanah seluas
lima hektar